

可

園

詩

存

可園詩存卷十三

江甯陳作霖伯雨

息影草下

起同治辛未正月
迄光緒乙亥九月

春初遊靈谷寺

風氣融和雲日美遊興勃發不可已青鞵布襪出晴郊修途
半遶鍾山趾靈谷僧寮一徑開平視岡巒伏更起蒼松歷劫
化龍飛地脈有靈燒不死補蒔竹樹未成林風聲已足蕩心
耳石磴彎環路欲窮步入山門大歡喜古殿森森苔色寒無
棟無梁空傍倚鎮蛟頑鐵作翦形呼作飛來詞近俚誌公塔
前三絕碑畫手寫生吳道子太白作贊魯公書我欲搨之苦
無紙其東深澈老龍湫時有游魚戲清瀾大旱不枯潦不溢
卽是西方功德水周遭一覽心惻然當時舊蹟惟餘此老僧

憐我腰腳疲餽設伊蒲雜糗餌宗風一脈衍齊梁箭鈞談鋒
通佛理結茆勝境非偶然欲去流連行且止一杵鐘聲送客
歸終古山光鬱蒼紫

明故宮弔福藩

銅仙淚滴苔斑紫魚鑰沈沈朝不啟穿宮內監呼免朝昨夜
君王演燕子美酒一杯月一輪學士法書妙入神奄兒獻媚
常態耳可惜儒臣王孟津黎罔宛轉調絲竹牀下軍書催急
足胭脂古井波光紅陳家天子非爲辱

齋中對雨

三日雨廉纖輕寒怯卷簾雜花紅絡壁穉竹綠齊檐試茗開
新箬翻書換舊籤閉門伏不出著論亦名潛

秦淮雜詩六首

月上城頭不覺遲溶溶圓魄泛玻璃如飛雙槳乘潮去東水
關前搶水時

端午才過暑未蒸輕舟一葉已堪乘今年水小河身窄蓬漿
相摩不礙燈

浪花打碎不成圓香霧空濛重似烟行到泮池最空闊燈光
在水月當天

明燈千點燦成行洗眼還須雲水光船是逆風行去好隔簾
吹送素馨香

枝枝曲柄拗銀荷酒令分明卷白波醉後弄將長笛響兒家
船上曼聲多

鍾得閒情幾許深板橋舊夢耐重尋欲將雜記殷勤續愁絕
江南余澹心

送張黼安

程式

返浙西

鍾山開四學英俊皆來翔濟濟集劍佩張子爲最良篆隸薄
李蔡文章追曾王淹留經三載結交多老蒼霜林黃葉落大
江流未央中途向我揖告我歸故鄉浙西人文藪項背羣相
望閉門事著述追琢燦成章主司精持鑒玉尺定見量飛鳴
會有日北上理輕航秣陵倘假道過我毋相忘

對紫薇花有感

紅絨碎翦尙留痕伴我幽齋靜掩門鳳閣鸞臺天樣遠一池
涼月自黃昏

題莫愁湖修禊圖

并引

莫愁修禊圖者錫君樾山

陰

感舊而作也先是江南壇坫

以湯雨生

貽汾

侯青甫

雲松

二老爲名士冠嘗會飲於湖

亭錫君與焉癸丑變作二老以身殉而湖亭亦變荆榛矣
君繪斯圖以誌感且綴以何子貞學士紹基詩結句云湖
山自有佳時節兒女寬心且莫愁慨之乎抑望之也今湘
鄉相國重修湖亭落成未幾而客適以是圖索題因賦長
句以紀之

莫愁家住城西曲山色波光淨如沐十里荷花誰補栽湖邊
湧起玲瓏屋我忙買棹泛湖行雙槳劃開流水綠歸來清氣
盪胸襟願見錫君圖一軸圖尾蠶眠細字書歷述舊遊不忍
讀當日湖山全盛時酒瓢詩卷相徵逐二老風流湯與侯清
修享盡承平福一朝化作杜鵑啼西園雅集何人續淒涼旅
館繪斯圖老淚無聲隨簌簌子貞先生文中豪末錄短章補
長幅兒女寬心且莫愁湖山佳日無難復果然樓閣凌空成

點綴生疏絕塵俗詩人妙語符先幾尺寸翻嫌此本縮攜圖
重作城西遊過眼滄桑休感觸氣節多從名士成牛耳於今
應有屬息壤在彼不可忘會當契飲清涼麓

晚登雨花山

高高木末亭羣峭疊成屏銜嶺日沈紫隔江山補青尋碑披
莽穢試茗汲清冷快意此遊覽荒臺誰講經

秦淮燈舫歌

碧雲卷盡天無風秦淮水色春酒濃三更圓月光溶溶皎然
一盞玻璃鍾東船西舫燈玲瓏千樹萬樹珊瑚紅綺羅四合
俄成叢錚鏦絃索聲皆同花氣作霧香溟濛燈在中流月在
空掉頭忽轉如游龍路窮已到東關東

高消夏麟臺

煥勳

以

先中憲公墨蹟六幀見贈書此寄謝

維我 中憲公書名滿江左縑素傳子孫儲蓄亦云夥天遣
六丁收中忽遭兵火殘毀每自傷析薪不克荷昨從市肆閒
驚見簪花朵六幘墨如新裝潢初帖妥款識署宛然喜極淚
欲墮知爲真君藏締交幸猶頗覬覦情何貪答書竟報可歷
述保護艱亂時謹包裹塗抹恨巧偷利誘謝富苛孝思能錫
類舉以持贈我遙想前癸酉棘闈方將鎖君祖來乞書洗硯
時窗坐揮汗爲臨摹剛勁含婀娜匆匆六十年來歸若轉輾
感君敦古道塵中留碩果結此翰墨緣千金真瑣瑣展拜謝
厚貺紙光玉色瑳後人慎勿忘世守戒疏情

易弟五首

我家居江左世業傳詩書 高曾立門戶縣縣百歲餘積善
必有慶芝蘭庭除令弟婉而秀性情實溫如行爲文之本

所願葆厥初

趨庭秉明訓置身君子林樸陋苟無文載道力難任志銳氣
莫餒萬卷恣搜尋歲月逝易晚當惜分寸陰勉旃修素業上
慰父母心

我年如爾時潢池方構禍奔走無停蹤偷閒猶自課況今時
無虞蕭齋供坐臥閉門絕交遊及時慎勿惰

文章有風氣濃淡每隨時根柢在經史亘古終不移華實苟
並茂何患人莫知下帷日誦讀特達自有期僥倖獵科第丈
夫恥不爲

讀書莫恃才恃才心難細處世莫求名求名毀必至沈靜以
讀書韜晦以處世知雄而守雌且遵老氏義

送彭可軒

信克

返江右

足跡半天下知君意氣豪名從小學顯品以布衣高遊逐蓉池庾歸尋栗里陶相留不肯住帆飽趁江濤

題熊吉菴

履祥

觀瀑圖

我曾夢遊匡廬峯高出萬仞摩蒼穹瀑布陡落勢如瀉懸崖削挂雙白龍長松萬壑助奇響潮來似挾鄱湖東意想所到塵境絕滿眼雲氣青濛濛天雞一叫倏已醒東林彷彿猶聞鐘跡羈城市不得往空將邱壑羅心胸披君此圖神忽王鳴泉漱玉聲淙淙君家本近匡廬住此境應在匡廬中淵明醉石可坐臥絕澗流出桃花紅君如歸訪開先寺我願著屐來相從

冬日齋居

屋愛迎陽好侵晨透日光晴窗搖竹影煖室聚花香書誤雙

偏急詩窮債索償卻從閒適處添得幾多忙

後緹縈樂府題辭三首

并引

康熙時泰州孝女蔡蕙上書訟父冤得釋重罪事具州志

歙縣汪仲伊

宗沂

譜爲樂府爰書其端

萬乘南巡萬物春煢煢弱女志能伸拜章夕入

恩朝降千古緹縈有替人

記得羈遊江北時慈烏聲急雨絲絲泰州南去茶場路古木

荒寒孝女祠

維揚志乘事難忘譜入宮商更擅場絕勝是非身後錯琵琶

一曲演中郎

曾文正公挽詞四首用涪翁挽司馬文正公韻

元老功名建中興事業成鑿門推轂出曳履傍

天行負荷承

堯棟逍遙夢孔樞東南幾萬里保障失長城

夙講鵞湖學頻裁鷗閣詩抗章同列憚議禮

聖君知精鑒懸人物賢聲動貊夷承平勤獻替輔弼此初基
元戎新拜命星彩出勾陳民氣蘇南紀臣心拱

北辰酬庸侯列爵紀績閣圖麟功德言皆立中朝第一人
敬歷經中外傾心奉

至尊

主恩真不替家事絕無言再造追像弼歸休羨綺園飾終

頒禮渥感泣徧黎元

癸酉人日與劉恭甫

壽曾

良甫

貴曾

甘劍侯

元煥

子純

堉子

蕃

曾源

朱子期

紹頤

豫生

紹亭

秦伯虞

際唐

何善伯

堃度

集莫愁湖榭分賦得陳字

莫愁湖光明如鏡宿凍初解波鄰鄰樓臺倒影入湖水此中
慣集神仙人況當東風弄柳色何君將踏中原塵善伯將遊梁宋趁
茲暇日且尋樂招邀步出西城闌甘劉少長皆畢會軒車先
至盟主秦朱仲來獨較兄後肩相隨者弱國陳共挑春菜作
人口筍芹薺韭菠蒿蔬其餘珍錯徹然列肥美尤數盤中鱗
鰕錢輩飲實一快航籌交錯無主賓酒酣莊諧相間作坐起
拜跪胡紛綸戶外觀者立如堵駭笑莫解爲何因猶憶去年
夏六月納涼玩賞荷花春以今相較樂正似座中可惜無汪
倫仲伊我欲先與諸君約木犀香日秋光新行者居者重復
聚再開一會仍率真帳飲西郊當祖道北上同催計吏輪大
書題壁爲息壤斯盟誰鑒湖之神

八月朔與劉恭甫

清曾

尚仰止

兆山

秦伯虞

際唐

陳耘芬

北

熙朱子期

紹頤

豫生

紹亨

蔣幼瞻

師軾

紹由

師軾

何善伯

延慶

及鳳生弟

作彙

泛元武湖

市廛苦喧囂清興每不適侵晨出北門乃與人事隔水風吹
面涼湖艇容身窄荷枯掠有聲菱嫩鮮可擘葦渚幾沿洄桃
源若創獲犬吠近人家龍藏此窟宅樹密隱神祠軒開班坐
席小飲意微醺清談歡轉劇我輩耽閒情到處留陳迹既結
詩酒緣幾成山水癖潁川聚荀陳東克會甫白諧語聊自嘲
名士多於鯽

木末軒看雨

隔江迸起一聲雷雲氣連山疊作堆谷靜風同狂虎吼地高
雨逐挂龍來自然圖畫無過爾如此登臨亦快哉帶水拖泥

可園詩存

卷十三

七

皆妙諦天花吹滿法師臺

寒夜

夜靜坐觀書不知更漏久推窗一凝望清景得未有積雪逐風飛凍雲蒙月厚冷得氣之和復理悟初九

寒甚東子期

至後逢三九嚴凝十倍增雪深山沒脊冰厚水生稜竹葉釀應熟梅花開未曾消寒思置酒一爲問吟朋

甲戌正月二十日陪趙季枚中翰彥修劉恭甫大令甘劍侯

朱子期兩廣文唐端甫明經仁壽集飛霞閣作白文公生

日恭甫出舊藏瀆川春泛圖同觀季叟用卷中吳穀人祭

酒韻賦詩紀事依韻同作二首

雨意溟濛溼楊柳波痕綠漲秦淮口令節催人作冶遊何處

聽鶯堪載酒治城一閣凌岩幾面面玲瓏啟窗牖座中賓客
皆名賢風流不落齊梁後酒令森嚴各點籌相角無難分勝
負量誇大戶已酡顏詩捷彈丸誰脫手詞壇祭酒笑掀髯去
歲今朝還記否心香一瓣祝香山旨酒嘉穀多且有憑欄曾
爲發長歌揮毫落紙蛟龍走今年興致較前豪凌蹂躪黎欺
子厚每逢佳會例有詩社中舊約期同守況復藏圖展瀆川
卷裏篇章常不朽彷彿坡仙到鳳翔文觀石鼓逢辛丑若無
佳什紀斯遊千載誰知中有某所愧偏師不敢攻長城屹立
降時受一篇次韻仿元和醉吟先生應點首

繞郭荷花拂城柳平日諷吟不去口自慨身爲俗累牽未向
西湖沽美酒集披長慶數佳遊詩派那能窺戶牖當日江東
識使君計年應在元和後途出金陵天假緣六朝勝蹟何曾

負韋家處士相唱酬投贈居然能抗手不知舟泊古新河地

志蒐羅堪據否

縣志以舟泊新河贈韋處士爲香山在江甯詩

我思浙西節度雄財

賦甲兵無不有巍然幕府開昇州十城官吏爭奔走屬郡賢
聲報政聞不獨杭城沾德厚在天靈爽時往來無須畫界同
株守唐衢況是武林賢追思治績原難朽豈若區區霸顯功
惟知管晏齊人丑卻因文翰掩勳名循吏傳中翻佚某大裘
徧覆非虛辭此語知公含笑受再拜當風薦一觴檻外雙峯
聳牛首

讀歐陽永叔日本刀歌有感

大海滔滔流向東日本三島峙其中明代防邊抒偉略梅林
公與南塘公我

朝柔遠不尙武臣服頗與琉球同番舶來往通互市燭天寶

氣成長虹中有長刀極犀利鵬鵠膏瑩光熊熊揮之所過無
留刃妖腰亂領失其雄歐陽生當炎宋代是時絕域猶未通
展轉商胡得此物珍玩不啻繫弱弓殺人爲利何足羨毋乃
好異思鑿空卽今倭眾雖馴伏天性猶自好戰攻傳聞生番
與構釁樓船徑欲求奇功兵鋒所及海水沸恃此以往終必
窮我讀公詩三太息極目海上生長風

讀杜子美夏日夏夜二歎意有所觸卽效其體二首

日行赤道南炎風蕩長街畏暑未敢出雙扉久不開苦旱經
一月望澤情已乖無雲日亦蔽滿天飛黃埃傳聞山上田水
乾涸成泥耕夫釋耒歎禾黍變草萊野豬磨長牙猛厲勝於
豺艱食卽亂萌蒼生何有哉誰能變元化陰陽氣克諧霖雨
潤天下吾願與之偕

中天上明月照我冰雪腸夜風隨以生悠悠拂羅裳能容無
不照幽暗皆生光圓魄皎如日暑節猶能涼秋氣已有光凌
霄鷹欲揚慨然思用武功名勒旂常惟當時養晦互市通海
疆昂首視天宇斗極眾所望鈎陳拱帝畿執樞運四方泰階
星漸平治比華胥鄉旄頭奈未落步檐屢迴翔倒牀不能寢
民勞何當康

題張擇端清明上河圖四首

承平盛事說宣和彈指光陰一刹那北望汴京歸不得驚溪
絹上淚痕多

長嶽樊樓一樣春香車寶馬踏芳塵可憐戢戢如蠶細盡是
華陽劫裏人

西湖甘作小朝廷繞郭屏山分外青寒食於今翻舊稿家家

上冢向蘭亭

豪奪鈴山亦太癡此中眞贗有誰知
請看一幅山河影妙手爭摹老畫師

遊雞鳴山就訪園丁買菊

斜陽度山椒倒映山一角縱目景逾佳
霞彩白斑駁古寺急暮鐘聲聞證知
覺循途曲折行遠聽雞喔喔臨水有人家
幾稜田确犂種菊已成叢老圃信可學
解囊價甚廉不厭來頻數乘月踏歌歸
手攜花一握

與劉恭甫良甫朱子期雪門何善伯遊靈谷寺歸尋霹靂溝
二首

誌公安利地出郭費招尋山近含烟軟林迴隱寺深殘碑亂
藤絡破殿古苔陰空外天風送泠泠鐘磬音

可園詩存

卷十三

十

歸路尋幽境叢叢穉竹齊懸流赴澗急亂石疊橋低足笑一

雙躍

恭甫一足激水

途同七聖迷佛心生恐怖日影漸平西

送善伯赴天津

鶯花又到早春天北望津門路幾千河朔道屯諸將幕江南
人送孝廉船長途閱歷增吟藁故里追尋訂後緣蔣早烟雲
無限好行囊早辦買山錢

讀史雜感十二首

不將巧算鬪奇零敬授人時緬帝廷占驗但求便農事烏虛
火鼎測中星

天生絕技孰能回夏后中衰累有窮學羿縱能盡羿道千秋
猶自笑逢蒙

山水精英含玉石乾坤寶氣結金銀姬公惡貨棄於地也向

周官設井人

先王法度漸消亡策士縱橫議富強六國紀綱由自壞漫將
金虎怨西方

海隅一島費招懷叛服誰知事屢乖笑殺捐之空建議漢家
未肯棄珠厓

衣拖青紫轂丹朱將相威名重兩都可奈驕奢伏深禍寶家
子弟霍家奴

契丹挾詐脅和時浪費金錢爲犒師獻納區區爭一字富公
迂執亦何爲

元紀熙豐法變新力將弊政矯因循平生自許居何等安石
眞爲剛愎人

揚太樓船疾若飛洞庭誰敢冒重圍岳侯小使膠輪計人日

全師奏捷歸

筮仕曾爲名翰林欲停科舉亦何心過橋竟有拆橋事怪絕
元臣許有壬

天外誰知更有天西洋爭說地球圓一從林富開通市海上
年年泊貢船

主持西法徐光啟天主堂開侍閣臣一疏直攻利瑪竇沈宗
伯後竟無人

南乾道橋新屋落成乙亥六月移家居之率賦四首

秦淮灌運瀆江水日夜潮橫橋跨其上名以乾道標其西有
第宅棟宇凌岩堯我實生於斯家居肯輕拋忽然遭世變劫
火昆明燒轉徙十二年歸來失其巢南北二市閒老屋幸猶
牢樓居無寸土一枝息鷁鵲孳生日以繁跼蹐忘厚高舍之

圖新計稍稍除蓬蒿無能頗自慚肢體情且騎綢繆成牖戶
毋乃 父母勞

老親愛軒傲奉之西室居望衡吾弟兄出入共庭除諸妹偶
歸甯廊房亦晏如偃息修層軒插架堆詩書入承菽水歡出
尋經史腴興來擲梨棗爛漫引諸雛寄語富貴于此樂爾則
無

種竹竹已生移桑桑已活土氣鬱蓬蓬夜雨如膏潑隙地不
在多縱橫數畝闊早韭及晚菘春秋供采掇屋後積土阜坡
陀步可達四望了無礙置身在木末牆頭招鍾山一角濃青
割雞鳴與清涼爭出不可遏風景聚目前那畏俗人奪會當
結茅亭朝夕展清豁

憶昔癸丑歲羣盜方猖狂名城一朝隳十室九已亡倉皇營

複壁舉家於此藏久之迹漸露白晝來豺狼匆匆逐眾出鵲巢鳩則方故居誰不戀過門輒徬徨及平時既清廢爲瓦礫場闕闕欲重興羞澀徒空囊家貧耐勤儉辛苦逾十霜銖積而寸累奢願幸能償去時無尺帛歸來有輕裝俯仰足事畜置酒登高堂挑燈話舊事艱難慎勿忘

八月二十七日秦伯虞招飲寶公禪院是晨與朱子期先遊孝陵循山徑而至靈谷賦示同集諸君

山色秋更佳蒼然隔城闕遊侶得朱君出郊趁明發初陽光尙微草露溼布襪延緣石徑斜脈遠時露骨行行抵孝陵翁仲秉圭笏紅牆圍陰宮獨龍一岡凸禹穴欲窮探讀盡前朝碣忽念秦淮海招飲在禪窟流連倘淹時恐罹後至罰循麓越東峯路細眞如髮向人問前途強記猶恍惚卻從佳處行

夾道穿林樾道轉林欲窮破殿高突兀同人笑相迎握手話
倉卒腰腳頗自矜未覺筋力竭酌酒互慰勞廣筵登肥腩吾
儕慧業人本不耐薇蕨但憑清淨心津逮傳寶筏醉飽各散
歸路塵揚堞堞迴望經過山晚雲氣蒼勃

挽彭可軒

藤帽棕鞵大布衫此才近日已非凡交深曾共聯牀話筆健
能將造化剗一樣文章開別調三年離思逐歸帆可堪噩耗
驚傳到遺墨重尋別後函

讀晉書有詠五首

劉琨

越石跌宕才頗不拘繩尺持節鎮并州晉陽天下脊何不守
太行千金乃一擲志大而才疏不免君子惜

祖述

祖生豪傑姿蓄志最俊快豫州撫羣雄邊圉蘇疲瘵強鄰畏
其威不敢窺吾界惜哉介弟驕淮北事乃壞

桓煥

桓公守宣城力與賊鋒抗屢挫志不回旗鼓屹相向赴難甘
如飴卞壺無多讓生子不克家作賊徒豪放

陶侃

江左競清談士行乃矯眾運籌惜分陰志欲爲邦棟都督鎮
荆湘事異王處仲史臣何誣人妄紀登天夢

溫嶠

太真自北來流品居第一才識冠江東忠貞輔王室始旣平
敦含繼乃滅峻逸再造扶乾坤大功無與匹

可園詩存卷十四

江甯陳作霖伯雨

上計草

起光緒乙亥十月迄丁丑四月

乙亥十月初四夜泊觀音門江口

十年不出門筋力頗懈弛爲有蘇州行匆匆束行李亭午買
小舟河狹不容駛及至薄暮時始轉獅山背空江淨明鏡夕
陽散餘綺易舟倉卒閒襍被勞親理長年喜順風張帆疾如
矢船尾咽水聲倏忽二十里奴子笑相呼已過燕磯矣繫纜
向荒洲二鼓猶未起快哉破浪遊又從今日始

登金山有感

金山形勝天下奇十年不見夢想之舟行經此肯錯過鼓勇
直上淩屨屨昔時鼓角喧軍次今日金銀裝佛寺樓殿耽耽

可園詩存

卷十四

一

俯山麓有勇烈江迷卻當年舊遊地因緣起滅孰能知吞海亭中立片

時忠節從來能證果且尋山下吉公祠

山中丞祠

金山觀東坡玉帶歌

金山寶氣光燭斗魚龍夜嘯蛟鼉走老僧邀客入精寮玉帶
傳觀方在手繫昔坡仙謁了元如箭機鋒未脫口永留作鎮
在山門塵土滿衣經抖擻七百年來一剎那數版中嵌化鳥
有

翠華南幸駐山巔江天勝景開林阜補闕頌

頒內府珍加貺才人意良厚癸丑之變琳宇空江南厄運逢
陽九此帶圖山佛院藏暗中疑有精靈守浩劫完時寺復興
壁合珠還傳更久我來徙倚景蘇樓再拜酹公一杯酒聊襲
公語爲帶嘲人生安得如汝壽

夜發張公渡

空林月落夜茫茫布被生寒覺有霜雞已唱殘天未曉鶉聲
搖夢過丹陽

吳船曲二首

與郎搖畫槳來去總雙雙風浪從他惡儂船不出江
儂家吉利橋留郎且小住虎邱多放船莫向山塘去

遊丁林

言過臨頓路載訪獅子林紅橋橫跨水徑曲轉便深捫壁無
土氣奇石堆欽岑高凌磴道滑俯瞰洞壑陰當頭壞山壓側
趾深淵臨晦明百向背翕張七縱擒來途逝已杳去路幽難
尋緬昔雲林翕空谷闕爾音層疊皆畫稿不知幾酌斟高人
不可見獨立生遐心

司園詩存

卷十四

二

與鄧季垂

嘉縝

蔣幼瞻

師軾

兩同年重遊獅子林

幽險探未盡重來興倍佳同遊況有伴勝賞與之偕松老根
離土亭高背倚厓文心真幻絕幾欲狀吾儕

滄浪亭歌示季垂幼瞻

滄浪亭子山之巔凌空獨立何翼然一水渟潏鑒毛髮滿林
花竹皆清妍當時子美遭謫遷夢魂樂此常盤旋後人好事
工點綴不教變滅隨雲烟沉值紅羊換劫後依然臺宇相懸
延足見三吳富物力金陵凋敝真堪憐名園興廢關世運非
徒風景堪流連我輩夙結文字緣雲龍角逐爭後先歐蘇雅
詠猶在壁願君早和滄浪篇

蘇城雨泊

買得歸舟將啟行姑蘇城下夜潮生酒醒暗記吳娘曲暮雨

瀟瀟夢不成

舟中望惠山

惠山不可登
舟行繞其外
極目縱遐觀
一塔遙相對
樹葉雜
丹黃
雲日變
明晦
何緣試名泉
色香參三昧

丹陽道中

曙色隱晴暉
空濛烟霧微
草荒牛縱牧
塔壞鴿羣飛
秋水送
歸棹
寒風生客衣
高堂念遊子
應已倚荆扉

鏡聽詞

竈前拜罷出門行
除夜迢迢無限情
懷裏團圓抱月魄
耳邊隱約卜風聲
明識升沈有一定
吉語何妨先入聽
來年歡喜勝今年
郎君穩會芙蓉鏡

雪晴後園閒步

三日大雪一日晴後園散步多閒情晚山閃日作金色冰溜落檐鏘玉聲竹葉經年不改翠梅花得氣爭先榮春風笑我太塵俗爲何捨此長安行

丙子正月將赴都留別家人

東風開晴旭萬里春光迴遊子將北征行李先安排家人話離別吉語紛然來謂我看花去走馬長安街自顧無所能妄念敢挂懷猶憶十年閒四度踏黃槐功名久淹滯租璫何有哉無心弋偶中例與上計偕東遵泰岱麓北上燕昭臺山川壯遊覽收拾供詩材得意固足快不得亦復佳安命以俟時辛苦分所該一笑出門去官道梅花開

十二日大風渡江

大風翦江行顛簸不得住收帆已夕陽潮落瓜洲渡

汜水感舊

憶昔流離避寇亂，卜居曾在湖東岸。
一錢羞澀阮郎貧，途窮甘受抑揄慣。
光陰忽忽餘年舊，地重過景宛然誰識。
負春廬下客道旁，爭羨孝廉船。

十八日淮城雨泊

離家經八日，舟泊楚城根。
短堞隨隄轉，長河過雨渾。
文章疏著述，定省閒晨昏。
無限清愁集，茫茫誰與論。

二十一日自王家營起程作車中吟二首

馬有蹄兮車有輪，旦旦暮暮送行人。
爲名爲利甘苦辛，吁嗟名利何足侈。
志士壯懷在千里，戀戀棧豆馬亦恥。

上阪車行遲，下阪車行速。
蹄聲隆隆輪輾輾，爲語僕夫漫施鞭。
前程甯讓他人先，馬力易盡嗟可憐。

魚溝道中

畏風坐車中閉置如處女褰帷偶一望蒼然曠平楚經雨麥
腳蘇籠煙柳芽吐出門無多時春氣遽如許

峒崕遇雨

曠野四無邊淋浪雨不止一車行搖搖宛若舟在水我本非
熱中無端去故里跋涉已不堪何沉雨如此深悔茲一出辛
苦徒爲爾回頭視僕夫執鞭雨中駛揚揚意自得彼亦人子
耳自問有何能端坐車箱裏猶嗟行役勞未免太貴己念之
意卽平一覺春睡美

二十四日曉發紅花埠

殘月未落雞亂鳴戍笳街鼓報五更閩人秣馬催客行北風
吹面面爲凍僵坐車中如入甕傾側邛容續殘夢一燈隱隱

照路明郎當郎當聞鈴聲此時最惹鄉愁生

郊城道中

自笑粗材何所營也隨計吏上春明塵經宿雨風難卷境入
中原道自平陂堰未修知地瘠壁濠漸廢喜時清竭來憑軾
過郊國官紀從誰問烏名

沂州山行

言入沂州山車轍紛交錯雨後水壤道泉聲下注壑循崖魚
貫行不敢縱馬脚僕夫各扶輪千丈防一落我素戒垂堂對
之心錯愕屏息坐車中萬念不敢作

自蒙陰至泰安道上作四首

人畏山路險我喜山路奇生鑿石壁開狹徑成通達自非五
丁來人力安所施上山登梯難下山臨淵危

驅車緣石嶙嶙磨而蛇行石不讓車路車怒與石爭側耳危
坐聽殷殷成雷聲我心素淡定爲誰鳴不平

道旁盡喬松山氣分磅礴結狀多礪礪千歲葉不落半身僵
欲顛枯藤猶爲縛根下生茯苓儻有人采藥

山行日看山不識山何名雲氣含初日混天爲一青羣峯爭
擁出馬頭來相迎貺我以奇景長揖謝山靈

望岱

神媼鍾靈脈萬里來崑崙胚胎元氣厚結成泰岱尊高高上
無極呼吸通天門陰陽倏翕闔實爲造化根雲光離合間杳
忽了無痕半山紫翠滿倒射扶桑暎徂徠諸名山拱衛周廬
屯梁父與社首羅列如兒孫遙聞封禪處輦路迹猶存秦漢
遺豐碑歷歷手可捫公車有程期局促輟駒奔望之不可登

涉想勞夢魂願言留息壤後約吾當敦

張夏道中

魯地行將盡輕車又入齊心懸天極北路轉泰山西夕日斜
人影晴沙陷馬蹄征途休怨苦吾道本栖栖

渡齊河

河曲無風浪亦奔憑高一瀉繞齊門海探星宿來原遠流挾
泥沙色最渾大禹神功真不朽彭城故道漸無存講求水利
經綸業自愧疏才未敢論

平原道中有懷故園

忽忽離家已二旬終朝輾轉聽車輪冥冥白日渾忘午莽莽
黃沙亂撲人河北山川猶樸厚江南花竹料精神二千餘里
遙相訊添得園中幾許春

可園詩存

卷十四

六

河間懷古

嬴秦亂法紀焚書坑儒生漢興逮文景經術猶未明卓哉河
間王若木分枝榮被服必儒者造次戒驕盈築宮曰承華招
聚諸俊英毛公王生輩躡履遊賓庭雅樂存古制考工補亡
經聚書盈篋笥訓詁開兩京實事以求是虛譽非所營至今
分藩地常有絃誦聲乃知聖賢訓炳煥如日星富貴極王侯
尙當遵先型何況我輩人顧令業無成勉旃秉鴻筆著述垂
令名

雄縣道中

烟柳平橋路江南景忽遭水生魚渚活塵障馬頭高燕趙此
分界輪蹄敢告勞欲紉香草佩遲暮感離騷

二月六日入京

彥先初入洛塵土漬征袍品重南金貢星瞻北極高禁門嚴
啟閉帳衛擁周遭笑語藥鞭輦功名愧爾曹

北苑雜詩七首呈鍾冕之年丈

銘

北苑重可取次開守宮阿監坐蒼苔周家靈囿原無禁儘許
芻蕘且免來

育蠶宮外水初生沙軟無塵輦道平桑柘萬株圍作幄曾經
鳳仗繞林行

禪關樓閣望重重石壁騰擎琢九龍知是六時清課緊隔牆
餘度一聲鐘

玲瓏良嶽插波心石氣生寒洞壑深松枯參天雲不散化爲
瓊島一團陰

海上神峯駕六鼈試從絕頂覽周遭琳宮貝闕微留罅涌出

西山積翠高

白塔亭亭作勢危俯窺臺殿鬱參差
名山四面誰能記閒倚雕欄讀御碑

叢樹陰中露殿隅夕陽返照影模糊
爲君山水添新稿小李

將軍金碧圖

君善畫

燕京小樂府二首

賣火香

賣火香立道邊形容瑟縮衣不全
求乞僅在一文錢民窮若此誰相憐
噫吁嘻民窮猶自可宦途更坎坷
敝車羸馬載官來連日廚中未舉火

訂官座

訂官座狎優伶登場度曲如流鶯
纏頭所費已無算歌郎向

我雙眼青新者迎舊者送軟語溫存相與其密室幾成此目
魚酒樓又遇飛來鳳俗人不召自來之目可憐閨裏長相思夜闌正作
京華夢

三月十六日遊北湖 一名十刹海

朝從棘闥歸筋力頗疲殆遊興忽勃然問途十刹海水自西
山來眾流復交匯渟泓積成潭映日漾華彩樹密交柳槐草
香散蘭茝盎然春氣深含情若相待名心苦未忘頓覺胸襟
猥洗滌且臨流毋受緇塵浼

遊法源寺 古之憫忠寺也

閉門僧寺古漏日樹林陰步履偶來訪蒼蒼一徑深謝公殉
節處遺蹟杳難尋忽聽鐘魚響悠然悟佛心
述懷

金門待詔內懷慙懶散深知七不堪大道車塵蹶且上故園
鞭筍味應甘三春芳草牽情切幾輩黃梁入夢酣歸計已成
歸日近片帆安穩下江南

自天津泛輪船抵上海口占

夢辭津門塵目極吳淞水居然飛渡歸三日三千里

四月二十六日由上海泛輪船至龍江關

奔馬一舟行迢迢七百里程海風吹雨斷江月應潮生客況嘗
初徧鄉音聽最明日歸洵得計底事慕浮名

夏日歎用杜韻

日昨游京師跨驢穿銅街塵沙蔽空起眯目不可開四月卽
苦旱幾疑節序乖南歸氣亦鬱黃風仍捲埃無雨經而月壤
稿殊塗泥螟螣已孳生有田愁荒萊流亡未盡復曠野嗥復

豺拊循實不易民牧其勉哉我無傳說霖出處誰允諸金門
剛報罷羞說計吏偕

夏夜歎川杜韻

雨澤久不降熱惱煩中腸吁嗟走羣巫雩祀肅冠裳薄暮偶
仰視彗星仍耿光林隙出明月不覺夜氣涼樹乾葉漸枯隨
風亦飄揚肅殺逼朱夏天道疑變常隱憂日以甚慨焉思滬
疆將然不及防小畜占幾望士女那知愁服飾傾一方竟夕
事遨遊視爲安樂鄉一隅關全局海鳥羣飛翔颶母幸未作
戢影歸建康

秋日與秦蔭丈

汝槐

朱子期

紹興

尋天界寺

秋色滿南郊山晴濃潑黛路轉古長干廢刹尋天界寺門規
制存小犬迎人吠竹樹未成陰新築禪堂隘碧峯像莊嚴歷

劫猶未壞比鄰暫寄居四大空無礙

碧峯寺盡燬長老鐵像寄供於此

殘碑

臥荆榛杳不辨時代欲尋舊史局莽莽知何在徙倚夕陽閒
一僧閒種菜

秣陵織業行

秣陵老人吞聲泣自道今年過九十生小學得織緞機一家
入口資供給花樣翻成色色新流波雜沓聞迴文夔龍鸞鳳
麒麟鹿雲霞樓閣八仙人昇平幸值乾嘉際西走秦涼北燕
薊滇黔嶺嶠與湖湘銷售常逾十倍利道光之末多水災民
閒匱乏無餘財鳴梭非復當時盛俄看江上樓船來此時比
戶機聲寂關隘屯營刁斗擊鳴鞭躍馬圖生涯絕藝可憐無
處覓一隅滬瀆最繁華揚通蘇泰爭相誇流民寄寓求口食
開機織作將千家本業重興利亦厚工拙由來判好醜家山

恢復事招徠免捐德政傳人口歐洲可奈販新絲價高價賤
自居奇來源衰旺無能必年來此業強支持況復旱蝗災徧
地大賈於今多負累裝成摺疊未開箱積滯幾如道中棄我
今老邁無他能且憑手技謀斗升煤甘鐵山競開采行將改
業命孫曾

題宋徽宗畫鷹四首

花石綱來萬里船天津橋上聽啼鵲君王寫出飛揚格良嶽
秋風又一年

草間狐兔已無多側目秋空勢欲摩萬里雄心消不得自將
小印押宣和

宮中常讀相禽經絕技傳神不在形遼主政荒同一例年年
徵取海東青

素練風沙颯颯生幾餘點筆小經營萬年枝上雀飛去邊景
依稀五國城

丁丑正月贈劉恭甫卽以留別

六經厄秦火漢儒勤考稽司農集大成胸次無町畦後人訓
詁學於茲得階梯君家富經術世業承青藜逮子復博洽箋
疏窮端倪染翰爲文章筆力追昌黎餘事及詩賦擺脫尋常
蹊鸞皇發清嘯不作寒蛩啼我初識子時介紹由璜溪姜龍

門同御李

小湖師

一見深交締每當肄業頃扃門發新題儉腹

無可搜音屢誤雖寬賴子行祕書三篋指我迷行隨千里足

駑馬亦馱驪名高旁人妒往往俱遭詆豈無賞識者刮目資

金篋邑志重纂修局開鷺坊西

金沙井一名白鷺坊

子首應徵聘筆硯

隨身齎濫竽更及我左右勞挈提體例互參酌嘉味調鹽醢

疵類互抉摘良藥進刀圭

汪文

今作家燭理如然犀謂我

大事記與子教文齊泰山高且峻肯爲培塿低既慙復以幸
龜勉事攀躋況此十年中佳日常招攜挑菜莫愁榭采菱元
武隄飛霞及靈谷窮探仙佛棲觴詠樂復樂唱和賦籜兮他
時尋爪印歷歷皆鴻泥陽和催淑景雪釋冰流澌計偕期在
邇門外車駕輒行當與子別一曲聽歌驪功名亦何物得失
爭蟲雞感子纏緜意酒酌金玻璃祝我赴長安春風健馬蹄
自分骨相寒不稱居金閨江南夏四月芳草碧以蕤會當返
故里暫離非久睽遊覽與箸述願子其少俟

泛海遇風

春來連日東風惡帆船入海無棲泊嵬峩巨浪高於山盤渦
一旋千丈落滿船盡作呻吟聲厥疾瞑眩非關藥爲覓科名

涉苦辛聚鐵六州難鑄錯若有人兮相爲憐夢遊招我乘雲
鶴蓬島三山咫尺閒水晶宮闕銀樓閣十八學士皆華資雲
漿仙液邀同酌不是精修歷歲年那得紅塵謝拘縛我聞此
語心念平耳中不聽波濤作天雞一叫催客醒青山隱約登
州郭

京師松筠菴謁楊椒山先生像

黨結嵩鸞膠固深先生兩疏表丹忱上方空請朱雲劍西市
偏鳴中散琴清肅遺容供景仰寂寥故宅費招尋至今諫草
堂前路松柏森森一徑陰

與子期遊城南尋龍樹寺

茫茫人海中紅塵難插腳南城近可遊幽尋藉芒屨市遠車
馬稀平疇散村落欲往龍樹菴途生時慮錯遙望寺牆紅畏

大行且卻當門古槐盤作勢疑騰攫石磴歷級登憑虛敞高
閣西山送眾青窗明面面拓道人喜客來供茗甘如酪冷趣
耐流連未覺客懷惡載酒招良朋應訂重來約

遊慈仁寺示子期

宣武門西有佛寺慈仁名自前朝賜春日陰陰不起塵聯步
相將尋勝地入門闐寂未逢人老松皆作虬龍勢四圍黛色
參天濃穉竹新槐相閒翠一株離立尤槎枒絡以藤花逞姿
媚塵心到此頓欲消清梵聲從林外至僧雛導我禮觀音雲
裳不動珠冠麗蓮龕趺坐像莊嚴善才龍女常隨侍云是窯
中變化成火宅居然生智慧

寺中窯變觀音六合孫
國敕庶都遊覽記載之

毘盧殿

閣亦崔嵬升階石級如鱗次藏經萬本貯其中誰與安心持
半偈文字因緣有數存亭林祠宇何妨寄儒林隱逸第一流

奉以心香宜勿替

寺側有顧先主炎武祠

對茲鄉思忽然生西治山頭

原一例

江甯治山亦新建亭林祠

循牆捫壁覓遺碑片石尙留唐墓誌押

衙王公夫人張嵌向院閣防失墜

牆左嵌唐幽州節度使衙太原王公夫人清河張氏

墓誌詞拙字劣然的是唐時物云係西直門外土人掘得之

細草中藏石井闌彷彿開成

五年字

祠中又有一

千餘年未損真合與斯祠同位置古歡

冷趣溢胸襟此遊不負探幽意作詩摹景如追逋君休笑我

言徒贅

四月十四日蔡村曉發三首

上書已報罷倚閭望我歸驅車出都門不敢稍遲回未明輒

首路零露沾人衣

車迎曉風尖馬踏殘月碎假寐不能成征夫多沉瘁遙想閨

中人嗚嗚引兒睡

晨星猶在天我行已十里所喜是歸途步步與家邇何以洗
風塵吳松半江水

可園詩存

卷十四

三

可園詩存卷十四

男詒紱孫祖同校字

可園詩存卷十五

江甯陳作霖伯雨

課圃草

起光緒丁丑五月迄己卯十二月

可園卽事二首

種樹

數椽小築思逃暑
市地濃陰補幾多
綠柳扶疏遮曲牖
碧桐容易長喬柯
他年感慨桓司馬
如此生涯郭橐駝
梁棟不求爲世用
深山常自養天和

種菜

歸隱江南無箇事
晚菰早韭味堪尋
長鑱託命頻翻土
小竈連畦若散金
原隰居然成沃壤
桔槔從不設機心
閉門一任英雄老
烟水茫茫寄慨深

侍 兩大人遊後湖用癸酉秋泛劉恭甫題圖韻

建康山水他郡無就中最勝元武湖荷花荷葉間紅綠亭亭
仙子青霞裾香氣五里吹不散涼露尙溼朝旭初湖心有廟
不易到瓜皮艇畏風力麤佳客探幽偶一過香積幾置僧家
厨去冬濬湖除茭葑築隄爲仿白與蘇長虹一道跨湖起陸
行亦可肩藍輿路轉一里作一橋湖波橋下相貫輪穉柳夾
岸陰猶薄已有蟬響如鳴竿遙指蓮萼洲最大其餘各踞湖
之隅葦荻侵路狹如綫有誰刈割完官租人穿其中望不見
但聞唱和聲喁于叢蘆歷盡條開朗紅坊矗立湖天虛回看
蔣山色紫翠流連那忍先奔徂樹林陰陰藏屋宇童奴隔水
來相呼湖亭四闕得勝賞莫愁何用誇名姝水風襲人作秋
氣手中團扇捐葵蒲此閒倘許常寄住多栽桑竹圍吾廬迴

憶春來踏京國戰文率爾爭操觚塵土撲人面目醜鐵網未
肯收珊瑚欲尋清境杳不得自悔作計真粗疏掉頭不顧遽
南返新陰正好生庭梧昨者買舟泛淮水少長雜坐僕不拘
登途纔半驟雨到遊興已阻盍歸乎遲我五日重過訪景物
頓覺陰晴殊樓臺窈窕塵世隔恍如跳入壺公壺板輿夾侍
有至樂玉堂金馬徒區區轉笑四年前釀飲當筵有客歌驪
駒良朋醉吟縱豪邁清芬未及攀芙蕖今來占卦得家人何
減我友招叩須登樓倚欄聊縱目米家畫本清且腴雷聲隱
隱蔽空響蒼龍欲挂雲頭烏卻尋舊路入城去紛然各散輿
兼徒蓮花古蕩夢猶戀山圍水繞神所都詩成不欲作常語
強韻重尋秋泛圖

後湖采菱曲八首

并引

夫蘋蘩之名釋於爾雅陽阿之唱載於楚辭是采菱者實
江左之風流爲吳儂之遺韻也聞嘗出北郭汎後湖觀殘
荷穿枯蔕見夫根葉糾錯士女撝茶入渚拏舟破昏發詠
瓊花度曲帶梁陳之音蓮萼名洲無江河之隔爰就辭店
數成謳歛

江南女兒爭采蓮蓮花落盡紅不妍歌聲一串遏雲響菱湖
划出瓜皮船

元武湖中秋水添元武湖上秋山尖江南多少彎菱角不及
儂湖實最甜

女郎生小湖灘住菱角茫茫何處尋本來背日矜紅笑采向
臺城一角陰

霜落湖中水漸清珠啼錦怨可憐生菱絲宛轉儂心事菱角

柔尖儂性情

脈脈愁懷託逝波一湖烟雨盪相磨
深青淺紫休爭弄連理須知儂得多

楚江鎮日望歸船葉爛灣頭郎未旋
瘦損腰支誰解得秋風秋露感今年

笑語間聲看不見新妝窺鏡更模糊
七橋界斷菱塘路姊在外湖儂裏湖

扣舷來往不逢人微步淩波未起塵
鮮實采來挪敢食新洲祠裏薦湖神

一拂祠落成詩上沈幼丹尙書

葆楨 并序

案上江二縣新志祠祀考注鄭介公俠祠旁別室舊祀明
靖難時閩中死節諸臣葉烈愍公福陳忠烈公彥回陳節

愍公繼之林烈愍公英及漳州哭臨六生曾廷瑞吳性原
陳應宗呂賢林珏鄒君默而以張公經周公起元附祀茲
當崇祠重建之時落成有日正宜表章前哲以安忠魂敢
製蕪詞用當芻獻

路轉西州城山訪清涼麓竹樹一何深依稀藏有屋緬昔鄭
監門此中曾誦讀通籍爲朝官詎敢貪微祿新法苦累民流
離常滿目卽事繪成圖如代萬家哭苛政雖暫除身亦遭斥
逐隨行一拂存無異返初服遺澤在東南江左爭尸祝易名
曰清忠崇祠久卜築作配有鄉人林英及葉福繼之與彥回
二陳本同族附以閩六生皆因靖難戮張經周起元先後傷
刑剝浩氣留千秋同堂並肅穆兵火摧殘餘故基叢草木將
作新經營不日成偏速栗主題宋官清泉薦芳菊所惜異館

賢煌煌典未復有舉莫或廢敬以謚當軸

薛慰農師

時雨

六十壽詩四首

德望巍峩北斗尊鄉閭高峙鄭公門旗鈴吉兆符文字珠樹
才名豔弟昆十載宦成遊蔣阜百年屋老守桑根此身乞得
清閒福來往江湖載酒樽

吳越當年戰氣腥使君偉績百城型賊平方臘無餘燼人仰
鮮于是福星淥水芙蓉賓入幕春風桃李士談經從來循吏
多閒趣拄笏看山兩眼青

楊柳輕陰護六橋士民送別競攀條當途牙角消蠻觸知足
心情契鷗鷺提舉洞霄今寄祿分巡淞水夙乘輶白公廣大
蘇公達歸隱無須桂樹招

梅花香雪撲簾櫳十月陽回景象融李委笛聲調鶴曲次宗

可園詩存

卷十五

四

學館近雞籠分甘自得家庭樂舉觴還欣弟子同酣飲華堂
人盡醉弧南星彩耀天中

飛霞閣對雪與成漱泉

光慶

馮夢華

煦

劉恭甫

壽曾

小飲

治城高閣高無倫憑欄望雪清心神三面山銜玉龍尾萬家
屋蹴銀魚鱗登臨佳景此爲最圖畫幻迹翻能眞多謝主人
酌我酒紅生凍頰徐回春

漱泉夢華恭甫皆有和作疊韻卻贈

山中之人偃佺偷脫略形迹交以神醉後敲行泥滑滑架閒

泛檢書鱗鱗連日天公作玉戲當年此地羅羣眞

咸豐初元
嘗會同門

諸生於飛
霞閣上

偶因今雨懷舊雨忽忽行將三十春

與子期善伯遊雞鳴寺二首

雞鳴山寺與城齊俯瞰明湖萬頃低七道小橋千樹柳與君

約略說新隄

僧雛相送出禪關石磴新鋪矮樹環歷盡坡陀回首望夕陽
殘雪蔣家山

苦雨

春寒不可耐夜坐擁羊裘雨氣昏千嶂風聲聚一樓淫霖殊
未已偏勝實堪憂西北聞多旱

宮廷秉璧求

哭李小湖師四十四韻

我師持英蕩督學江南初金陵適陷沒未獲瞻使車周天一
星終腥穢皆掃除鍾山興絃誦函幣迎通儒小子譎陋質自
顧久荒蕪擔簦甫言旋肄業來精廬初試雞窠賦一戰奪螭
弧月課以雞窠中小兒賦見賞於師遂著弟子籍冠帶搖瓊琚高山始景仰

師貌清而癯齒牙獎借勤春風生吹噓謂我爲雋才非復俗

學徒開縣李方伯置館英才儲會文隨月望杯酒開卽廚我

師爲推轂俾濫門下筭

李兩亭方伯宗義選高才生課於署中師薦霖得與

令子

肇煌字博

孫侍函丈經訓勤蓄畚命我課制藝花樣遵時趨講解得切

砑先我登賢書

博孫以癸酉科中式

去年上計偕聯翩遊京都泛海先

後還捷若雲中鳧我歸凡再謁夏仲秋之餘是時師已病幽

懷鬱不舒瑣瑣語家事似傷門祚孤從此患日劇奔走忙醫

巫問疾雖屢至無復瞻眉鬚像型一旦失哭寢空漣如因念

師平生少小嬰艱虞發憤勵素業貧士遜其劬立朝爲侍從

校讎臨祿渠晚年乞祠俸講誦追蘇湖所學貫漢宋不以一

格拘課讀經評騭字細如累珠甲乙次第定無爽錙與銖驚

貽荷韋策亦成千里駒接人飲以和品峻心逾虛哲人何忽

菱遠近皆驚吁

詔許入列傳大書史筆濡儒林分一席稽古

恩榮殊我師已不朽後顧遺憾無獨憶御李來魯鈍慚微軀

一自被品題虛名溢道途何以報至德撫心增踟躕院西闢

祠宇俎豆春秋俱

時請建享堂以祀歷任院長之有德望者

瞽宗修祭典門從來

于于師兮驂鸞翔馨香儻饗諸

雞鳴風雨晨一首五百四十字寄懷朱子期金壇

雞鳴風雨晨端坐思君子締交二十年相去三百里契闊感

自今會合念在始金陵昔亂離朱門同轉徙芳鄰卜元白通

家叙尼耳老桂攀山椒秋蓉玩水泚寺尋後陽幽

後陽寺在朱門碑

訪光和圯

朱門牛跡院舊有光 and 碑

歡遊迹並閒長吟音雜徵江南哀蘭

成諸將傷子美推敲興彌豪唱和情靡已堂方响燕雀桺忽

可園詩存

卷十五

六

騰虎兇烽火燭天明波濤掀地起曲木鳥驚飛城門魚懼燬
扶持困老弱負戴及衣履道途一遭逢舟車遂分駛君自去
楚州我亦循淮涖避地汜光湖從戎京口壘道阻望蒼葭芳
貽折瓊藥一星俄周天萬方頻送喜虎踞復名城鹿鳴會多
士羈旅盡歸歟故人亦至矣田宅闢荒蕪詩書躬料理講舍
業獨勤都講名羣擬文摩熊劉牆賦吸庾徐髓作者非矜夸
當之自披靡角逐倦名場壯遊戒行李龕赭潮氣青鬱洲山
色紫諸侯客自尊廣文貧漫恥言旋甫經年遄行復南紀登
覽徧坤輿伏居慚良趾豈期疏懶人終同出處軌豕鼠逢吉
年龍虎書榜紙先後附公車聯翩遊都市歌管厭敖嘈酒肴
戒華侈亭愛陶然名臺弔憫忠址堂深諫草存祠僻亭林祀
陶然亭獨思寺諫草堂
亭林祠皆京師通覽處共探冷趣行日逐談麈裏河鯉尾未

燒鄉鱸味彌旨朝辭長安花夕釣秦淮水所志既略同其居
復密邇坐與蠹魚親出必蛩駘比舊好久金堅新姻更玉倚
歡會尙未闌離筵何遽啟揮手重流連問程亦迤邐茅峯天
外高斗城山麓峙弟子興絃歌先生安杖几旅況苦寂寥道
貌尊瞻視遙想誦誦勞定能指臂使笑我無他長效顰聊復
爾王氈坐欲穿馮冊挾逾鄙登樓獨看山挑燈自讀史地偏
來者希朋遠訪輒止北嶺雲漫漫南浦波瀾瀾別懷不能忘
詩成付雙鯉

戊寅夏日述事三首

老臣持節鎮涼州絕域艱難百戰收報捷露章齊入塞傳烽
雪嶺罷防秋玉關喜色迎歸騎金冊殊恩拜徹侯堅忍成功
良不易

九重西顧得無憂

海市虛無望裏開青紅蜃氣結樓臺衣冠萬國圖王會像象
中星測上台徐福載將童子去張騫新使大荒回滄溟浪息
平如鏡柔遠端資碩輔才

豫晉分圻路幾千側身西望淚潛然流亡不啻兵戈劫虛耗
偏逢土木年誰盜倉儲同草竊悔栽罌粟作花田有司無狀
君恩厚振貸頻頒內府錢

題劉太淑人教子書劍圖爲子才茂才

英作

劉生年甫二十餘撫衣問業趨座隅手持一卷求題句云是
教子書劍圖從頭詳述母氏劬少嫻婦訓事尊姑親疾籲天
泣請代割臂不惜完肌膚我父博洽爲通儒從征投筆謀非
疏濬霍烽烟一朝逼豺狼橫噬來交衢母賢內顧憂則無要

以忠義明區區跳盪殺賊賊愈熾慷慨七尺捐軀舒我母辛
勤將兩雛門衰祚薄誰相扶零丁日撫孤兒哭飲冰茹蘖情
不渝鞠育訓誨母氏俱長者擊劍幼讀書劍以復仇書繼志
文武二藝從分途兄今杖策抒戎謨連營躬握熊虎符英也
不才無可述一衿難博高堂娛我聞此語重踟躕母之苦節
時能如光進筦籥歐陽荻天酬賢子洵非誣邇來入座奉起
居兄弟夾侍顏色愉教書教劍兩無負隨陸絳灌無差殊嘉
生孝念中心孚顯揚欲繼賢兄模努力下帷自攻苦母兮期
爾承明廬

周忠毅公

宗建

墨蹟卷送藏焦山詩爲趙季梅中翰

彥倫

作

我昔泛棹游焦山曾見楊公

一清

所遺之玉帶文襄謀略海

內傳能除逆瑾功尤大又嘗驅車上春明得向椒山楊公

繼

可園詩存

卷十五

盛

祠堂親展拜平生膽不借蚺蛇尙留諫草壁閒發光怪勝

朝氣節無與傳正嘉諸臣通沆瀣下逮天啟昏亂朝西臺謬

謬洵爲最御史周公鐵作肝立朝慷慨稱匪懈對仗彈章刻

版公不憚五虎十彪逞毒害朝歸鄉里暮園扉擊佞未成甘

首碎遺文零落不可知儻獲縑緇生敬愛吳江地僻公故鄉

梅叟來居學官廨蓄文好古擅風雅休沐餘閒閱書畫賈人

不識公手書捆束牛腰市中賣百錢買得喜欲顛細字聯珠

大編只裝池蠶訂具苦心伏暑闌時勤晾曬移官攜向金陵

來篋笥深藏防破壞因思名臣墨蹟以人重片紙俱堪閱時

代何況草書神妙走龍蛇居然爭坐位帖同一派天留神物

不敢私廣大流傳推法界何妨施向枯木堂解脫因緣兩無

礙徧徵題詠爲證盟欲令海天佛國添佳話永嘉方伯本通

儒

孫琴西先
生衣言

護法宰官擁冠蓋巧偷豪奪防未然印鈴朱紐

篆垂薤從茲人勝坊閒定慧寺常同楊公玉帶山門挂我今
對此轉躊躇絹素多年無不敗何當鐫石嵌壁閒得與松筠
菴中諫草之堂遙作配

雨夜坐石氏巽樓望治山懷劉恭甫

登樓望治山相去無咫尺秋陰積成霖亭閣重雲幕遙想山
中人與我境同寂掩燈擁寒衾各聽雨聲夕

巽樓夜望

春寒作夕陰推窗聊縱目犬吠一燈行知在治山麓

題李小池司馬

圭

環遊海國圖

世閒奇事那有此八閩月行八萬里陸非陸兮水非水舟耶
車耶同一駛經過都邑凡有幾語言詭異風俗靡金銀珍寶

瓊且瑋百年盛會集於美三十六國如櫛比羨君涉筆有條
理歸來持報聖相李王會之圖自此始

青青女貞木一首爲唐貞女作

青青女貞木經霜節不移唐家有淑媛生小習閨儀好讀列
女傳心傷柏舟詩及笄字湯氏建業名門楣枝枝金釵耀粒
粒明珠垂中庭羅聘物齋送勞行媒郎君年十五弱柳臨風
姿忽赴玉樓召永與紅塵辭當其疾甚日女聞慘不怡禱天
請身代默祝祇自知一朝噩耗至涕淚如縷糜飲食屏不進
視死甘於飴耶孃泣相勸我年已就衰爾若矢殉夫何以答
親慈女感耶孃言幡然重致詞夙讀列女傳心傷柏舟詩不
死卽當守其姜有前規若以兒年幼堅操非所宜戚黨有黎
女年更小於兒夫死誓不嫁誰不生欽遲兒願歸湯氏定

無復疑湯翁憐女志卜吉迎女歸是日女早起別親心更悲
潦草理妝束寶鏡減容輝枝枝金釵耀粒粒明珠垂檢點初
聘物在笥曾無虧身爲米亡人膏沐安所施麟麟百兩駕憑
軾孤鸞啼入門拜祖姑白髮情逾悽登堂謁翁姥忍淚強自
持郎殯在何所雨花山之陞奉主以成禮痛哭更麻衣聞者
爲酸鼻大節始於斯我讀曾子問昏禮如有期未嫁而夫死
往弔服齊衰守義無明文任人自爲之異哉歸震川邪說生
無稽妄著貞女辨文章留瑕疵金陵禮教邦節義化中閨吾
宗有叔氏其字曰季師旣沒賴女歸侍姑甘艱危又有紀祥
興趙女爲其妻未婚來守貞母病刲臂醫同爲吾郡光綽楔
邀

旌題得此足鼎峙彤史增芳徽作詩表潛德敬以告所司

瑞花詩 并引

宅後小園一區雜植芳卉今年麗春盛開重臺累萼聯附
交柯有作同心者細辨攢赤雙心競黃中分若兩外望則
一有作並蒂者獨幹挺上雙花合開面面皆正不見其背
連理之木雙歧之麥何以加焉錫名瑞花作詩以識時已
卯閏三月二十日也

凌晨步小園爛漫花開後方野不辨畦闢妍炫清晝一株結
同心聯鬚巧相湊聚若雙蛾繭出若共乳穀一株結並蒂朵
附分左右鞞如二弓交繡如兩已繡被以南風薰承以甘露
透和氣凝成祥生平驚未覩嘉茲小草榮竊比芝三秀歲歲
祝長春持獻高堂壽

後園絕句四首

長長短短一林筍白白紅紅滿地花護竹籬編人讓路尋香
徑熟蝶移家

翠薜荔生常礙路紅薔薇綻半依牆童奴鋤草嫌園闊
簪花學姊妝

家園蔬筍供晨膳山徑桑梧換夏陰閱世烟雲同過眼惜花
風雨總關心

園林養望仲長統山水知音鍾子期小草戀暉無遠志屋梁
落月寄相思

時寄朱子期
何善伯書

華藏菴遇焦山朗秋和尚

我讀荆公詩古寺咏正覺開軒名釋龍鐵塔屋邊卓別有華
藏菴亦在城西角森森此君亭娟淨經雨濯志乘合爲一古

蹟待商榷

地志以今華藏菴
爲釋龍書院址

甘棠築精舍落成資講學

甘棠
書塾

可園詩存

卷十五

士

諸童會文於此欲沿書院名爭墩防辯駁至到緡圖經事必求其朔
是時夏已深樹蔭濃於幄邂逅遇故交朗公手頻握重話焦
山遊名菴懷海嶽北宋題榜多風霜未摧剝泥迹求前賢自
笑太專確眞人坐觀空等是蝸牛殼解脫化拘牽鍾山雲影
邈

秋日園居

偃仰園林自養頑眼前俗事不相關旋修密樹因遮月高築
平臺爲看山到處隨緣皆足樂此生難得莫如閒近來詩思
知何寄多在疏桐瘦竹閒

與善伯雞籠山後訪菊遂過胥家大塘沿臺城遺址轉至雞
鳴寺

路轉雞籠山一徑翳叢薄林盡天宇寬臨水成村落園丁四

五家蒔菊當耕作縱橫方罫閒黃白紛繡錯延緣循大塘路
狹屢前卻蒲葦乾有聲穿過衣微掠昔有鄉賢公晉君自修於茲
專一壑高風至今存姓氏傳約略探幽力覺疲何處息腰腳
天末俯臺城且上憑虛閣

與方子涵

詩容

秦伯虞

際唐

何善伯

延慶

信和園看菊茶話

遇雨買舟泛淮水而歸

秋來何處訪黃花朱雀橋邊野老家佳色競堆霜後菊劇談
小試雨前茶忽驚溜急檐珠挂旋聽泥融屐響譁歸路漫疑
清興盡秦淮新水送浮查

感舊酬周璞卿

登甲

憶昔與君讀君年未十齡吳音誦爾雅快如水瀉瓶 家君
夙所愛舉爲同學型竭來三十載聚散同流萍愧我業不進

可園詩存

卷十五

七

終年守一經愛日閒歲月春風舊門庭今夏君返里令弟衿

復青謁師因訪我玉立仍亭亭一篇先投贈脫手久不停讀

詩因感舊苦語請君聽當時同學人寥落晨天星嚴子

舜芝

殉大節楊君

芝亭

返幽冥哲兄亦健者餘光乾案瑩悉數未

及終知君傷春令已矣不復道窗外梅花馨

題范月槎觀察

志熙

仕隱圖

襟懷冲淡宦仍儒身縑巡行導吏呼綠藻清芬留壁水甘棠

餘蔭滿珠湖

君由國子監學正出爲揚州府同知

林泉常戀謝安石節鉞終歸

高遠夫鴻爪倘尋京國夢重披仕隱傳時圖

顏魯公放生池斷碑歌

周南三年通州姜瓖溪茂才自東花周昇置鍾山書院中

古碑半段臥草中誰與撰者顏魯公大書深刻力屈鐵放生

池記文偏工是時乾元方二載安史遺孽猶相攻河北瘡痍

未能洗忽崇佛法寬鱗蟲八十一所穿已徧沿江千里忘西
東昇州刺史謹奉敕太平橋畔青溪通南中賦稅苦股削疲
勞難息魴尾紅殘民愛物有如此忍將象教欺愚蒙若非遺
翰出忠義天發神讖將毋同好古昇置講堂下令人卻憶蘋
溪風

雨花山謁方正學祠墓三首

傳得金華

宋濂

學來爲蜀國師名因莊士重官受建文知岷

代銷封日齊黃柄政時事難成敗泥禮樂有專司

靖難燕師起金川竟啟門禮非朝鳳闕種莫護龍孫草詔言

辭激麻衣慟哭奔宮中悲一炬成誦竟何存

拾得遺骸葬梅岡咫尺閒鉉清

鐵鉉景清

同赤族俞鄧共青山

明功

臣俞通淵鄧愈

高塚豐碑矗孤忠異代攀我來蘋藻薦高義

激廉頑

沈文肅公

蘇軾

挽詞四首

聖武開昌運東南出偉人雷霆千里肅霖雨兩江春子產寬
兼猛夷吾霸亦仁何期功未竟遺疏達

楓宸

鍾山形勝在都府駐旌旗講院籌資日機絲免稅時漕糧緣
畝減編審恤丁疲利弊毫釐析清強靡不爲

江右閩中地威名衆所傳茂元搜盜藪楊僕造樓船蒞政能
無事歸田豈息肩重來持節鉞遺愛滿南天

大星如斗落櫪馬盡驚鳴夷夏欽謀略兒童識姓名卽今歸
碧落何以慰蒼生贈典綸音重褒忠

聖主情

可園詩存卷十六

江甯陳作霖伯雨

倦遊草

起光緒庚辰正月迄壬午十二月

靜海寺虞公三宿巖懷古

順昌將軍臥不起虜馬猖狂飲江水張浚未至張燾來固守
留鑰力止此犒師倘無虞舍人玉麟會食轉瞬耳破敵雍容
奏凱歸擁道旁觀萬眾喜大功乃出一書生宿將聞之愧欲
死建康三宿亦偶然眷戀非關桑下旨我來巖下欽英風江
水湯湯石齒齒將才相業一身兼南宋一人而已矣

上海卽事

最爾一隅地吳儂習俗奢戎夷混世界酒色老年華感事憂
方大乘風念亦差計偕聊逐隊海上盼鸞查

燕臺卽事

在山東薊州界以
南燕慕容氏得名

巨耐東風惡燕臺幸駐航市樓團蜃蛤霸業失魚羊路繞青山島波迴黑水洋曾聞諸國使來納暑天涼

三月十五夜闌中望月

鈴鐸無聲夜氣清槐雲籠月不分明遙知父母中庭話料我風檐對策成

貢院待曉

試院鼓聲沈春寒向曉侵故鄉勞遠夢止水淡名心解縛蠶成繭呼羣鳥出林欲將辛苦慰名蹟待探尋

慈仁寺古松歌

慈仁古寺松成林中有雙株尤挺特參天幹屈作龍形入地脂凝成虎魄交戰天風勢若奔仰窺暑日來無隙子落時聞

空裏聲苔厚猶留古時色傳聞是松已千年金元人物曾經
識有材不肯作棟梁解脫塵緣歸佛國渾堅不異金剛身呵
護深資菩薩力十里深林靈谷同滄桑獨爲江南惜

四月十六日自通州泛船至天津寄黃慎之

思永

劉雨生汝霖

同年

水宿淹行旅輕舟尾遞銜河淤時遇淺風勁不容帆落日聞
津鼓餘塵浣客衫迴瞻蓬島客境倏隔仙凡

夏曉坐巽樓

晨興坐小樓推窗縱遙矚餘霞散滿天掩映初升旭朝炊烟
在林界破清陰綠微風蕩作雲盤旋不出屋新蟬寂未聞鶉
鴉鳴相逐今朝料有雨隱隱雷聲伏趁此氣候涼展書就櫓
讀

可園詩存

卷十六

二

庚辰秋日雜感五首

陪京形勝萬年基
護衛營開八面旗
海幻神山防日本
城連平壤控高麗
月占暈滿常愁合
電掣音傳尙覺遲
太息林公眞遠見
他年邊患鄂羅斯

絕域丁寧亦外藩
重臣銜

命出天關王烏兩
辱行人節周勃新
知獄吏尊銀鵲徵
兵傳塞警金雞赦
罪亦殊恩小侯奉
使重承

詔大計迴旋不易論

沙漠風高健馬蹄
羽書萬里度渠犁
前軍屢逐花門北
要隘翻爭雪嶺西
息壤早知虛誓約
玉關悔不塞丸泥
白頭都護行營老
博得瓜萄貢篚賫

三年節鉞領并州
元老從知有壯猷
玉帛

帝京臣述職戈矛遼水士防秋天驕敢恃陰謀狡邊事聊分
聖主憂夜倚危欄看北斗果然星動五諸侯

伯相威名壓眾僚連營諸將賴和調海濱斥鹵屯田富河上
翺翔甲卒驕和局倘難成魏絳輪船何以破楊么京師鎖鑰
津門壯定有忠良翊

聖朝

可園八詠

養和軒

寒夜圍爐坐軒窗四面明雪深街柝靜猶聽讀書聲

凝暉廊

室外迴廊靜園居爲奉親晴暉凝小院花草總長春

瑞華館

萬卷羅經史其書亦滿家文章吐奇瑞不數洛如花

寒香塢

殘葉脫未盡梅花已孕胎珊枝挂冷月香意先春來

叢碧徑

桑竹散清陰蕉梧蔚深秀林深不逢人彈琴遣長晝

望蔣墩

向晚立平臺日入萬象暝清光一片來月上鍾山頂

延清亭

秋色牆頭山點點青無恙單椒聳翠微十里遙相望

蔬圃

抱甕日灌園韭菘隨處有養拙息機心吾師漢陰叟

題炳煦郵司馬

元

畫梅爲王珩齋作

煦邨司馬與梅友平日譽梅不去口潑墨淋漓寫作圖贈與
椒陵瑤齋叟叟之標格與梅同鐵骨冰心能耐久手持此圖
索我題稿本清奇驚未有司馬園中梅百株疏密橫斜隨所
取我今與叟先訂約他日尋梅乘雪後攜圖展向司馬園見
一樹梅題一首司馬聞聲定出迎再乞一枝爲叟壽

辛巳人日與甘劍侯秦蔭棠方子涵秦伯虞願子鵬集城西
薛廬作挑菜會次子鵬韻

元日才經頌獻椒行廚茶竈一肩挑莫愁舊集應容續自癸

是會皆在莫愁湖榭有美新堂未覺遙薛廬爲慰師精舍去冬始落成清點筍蔬殊俗

好春回梅柳釀花朝酒酣更上清涼頂薄暮登纖月生林不

待邀

遊半山寺

騎驢偶作鍾山遊歸來半道忘途修竹樹蒼然圍古寺鐘聲
吹出林巒幽老僧合十迎我揖一徑彎環相導入剎竿藉表
舊浮圖里宅競誇前宰執建業常吟一卷詩清新才調有誰
知天教拗相留文字霹靂溝邊晚望時潺潺賸有流泉響青
溪遺迹猶堪想後人莫漫說爭墩康樂坊前春草長
讀兩漢書有詠六首

李廣

隴西世出將乘障臨邊城殺降雖近忍愛士實以誠猿臂而
善射匈奴聞其名飛將軍尙在毋近右北平

蘇武

丈夫志四方慷慨使絕域死生置度外威力脅不得歸來報
天子完節乃臣職麟閣畫象成壯哉典屬國

張騫

漢興垂百年威德靡不至博望事罄空萬里求爲使渡海泛
星查遂彼壯遊志於國竟何裨徒費金縉賜

陳湯

大夫出疆使苟能利國家專之無不可貴在審機牙深入掩
不備堅者無不瑕郅支首旣懸遂朝呼韓邪

馬援

自古邊釁開多爲爭界址黠虜欲拓疆斥堠乃暗徙緣何武
陵蠻銅柱千年峙大將苟得人聲威揚萬里

班超

西域分兩道其中峙天山桓桓班定遠開屯諸國閒垂老奉
恩詔玉門竟生還代者乃任尙不如且閉關

壽趙枚叟

彥修

七十次小西湖展禊韻二首

冶山高處結精廬
隱几垂簾讀道書
人是六朝無俗骨
年登七十稱安車
總明祭酒王中令
句曲神仙陶隱居
春色滿園桃李笑
正逢介壽獻觴初

烏龍潭北盍山南
選勝何妨集履簪
韋曲春回天尺五
蘭亭

會續月初三
仁風在扇能生煖

枚叟以團扇見贈

勝日銜杯不厭貪

白髮蒼顏猶未醉
解酲那借廣州柑

孝貞顯皇后挽詞四章

慈安宮不啟天市
慘星辰哀動

九重主

恩周二十春中興
漢明德攝政宋宣仁
雨泣聞

遺詔誰非草莽臣

先朝崇冊命位號正宮闈
翔鳳承雕輦親蠶被鞠衣
蒼梧從舜狩岐下望姜歸
根本京師地

慈雲擁

日輝

垂簾重麗德

定策兩朝功文治開歸馬
和聲肅螭螭鉞難寬內豎
幣許納無終耕鑿安閭里
都歸

覆幬中

長信春歸早蕭條景物悲

東朝憑玉几

仙馭返瑤池

國事多艱日蒼生失恃時
惟將千萬歲稽首祝

可園詩存

卷十六

六

慈禧

朱子期五十初度詩以寄之

海上添籌日炎風茁秀冀北溟開瘴霧南極應文星

時君在天津戎

幕

夫子敦詩禮吾儕仰典型青箱能繼業中壘早傳經茲苑

名原重儒林德更馨冰齋清勵節布被儉留銘古式欽圭璧

枯禪證鉢瓶雲天翔隻鴈原隰集飛鵠祥覽仁心廣郊祁吉

語聽德門欣馭穀遊跡異飄萍淮水長如帶

隨任

吳山列似

屏

就聘浙江學幕

海邳堂集鱣

署海邳二州學正

嶺嶠峽尋矜

復就廣東學幕

綺陌

長安道

應部試

津門估客舫計偕車轉轂交辟閣懸鈴幕府蓮

池碧征袍草色青問年剛服政茲仕瞬揚廷愧我疏才識相

從健翮翎朱陳新結誼高李久忘形尋寺雲生屢哦詩月滿

庭清談揮玉麈校字照囊螢此樂思難忘流光逝不停懸弧

逢令旦馳簡向郵亭荷氣清晨沼槐陰靜午廳何當謀一醉

雅集續千齡

同鄉諸老
有千齡會

題孫丹陽

炎
畫像

明祖成大業佐命繇青田作詩招之出乃有寶劍篇觥觥孫
丹陽經濟在求賢已功雖未遂基開三百年

盜山新建諸葛武侯祠用老杜古柏行韻

歲寒誰是後彫柏漢季中朝老柱石鞠躬盡瘁不辭勞賞罰
有程中繩尺渭水祁山廢壘高食少事煩敵亦惜傳聞吳帝
築都城當日亦經侯建白猶憶張旛馬首東建業荒蕪未有
宮江表會獵肆恐喝謀臣猛士朝如空侯也從容揮羽扇笑
談決策欽英風石頭臨江據形勢三分鼎足基成功盜山於
今鬱梁棟此地端因駐馬重建祠坡上永馨香浩歌一曲神

迎送依舊鍾陵蟠獨龍無復紀年詳五鳳何妨配食列張紘
智略相同言見用

殘菊

幾度東籬快舉觴年時容易過重陽芳叢采已無寒蟻荒徑
啼猶伴晚蛩但有骨存常帶傲縱無人賞亦含香莫嫌風致
頽唐甚花國羸將歲月長

行路難九首

辛巳冬月作

奉君秋水七星之佩劍珊瑚八尺之馬鞭肘後斗大之金印
腰間萬貫之銅錢男兒立志馳四海功名富貴須少年酒酣
高歌行路難仰天四顧心茫然

海水滔滔流向東萬里無際與天通天雞一叫海日出水色
幻作玻璃紅中有樓船高過屋以輪激水行如風使臣手持

龍虎節環游諸國同鑿空博望之查不到處舌端辯難資折
衝豚魚尙未格忠信中原回首歸路窮兵戈不動共球集幸
免辜耳臣何功

元戎坐鎮國北門十萬組練如雲屯朝購犀渠暮鶴膝金錢
奚啻億兆論上計攻心在不戰虛聲聊以振外藩豎儒迂拘
不解事疏劾驕恣倖至尊

天子恩深縱不問毋乃膽落御史言

君不見裴令公平蔡平鄆成大功歸輔天子無幾時乃以使
相來河東君不見韓魏國西人聞之心膽裂晚年不坐中書
堂鎮鄴遂持武康節從來虎豹守帝閭委蛇謹愿始容身以
天下事爲己任元李構怨王呂曠中不願居乃乞外帶平章
事治都會未能一日留朝廷華夷空仰威名大

父爲宰相拜通侯子備宿衛官千牛少小五陵耀裘馬日日
買笑倡家樓酒酣徵歌弄絃索淺斟低唱何知愁不惜千金
爲脫籍豪氣真堪凌八州債轅犢子實快意未免冰山倚權
勢胡弗諭教以詩書此自關君門戶事

書生不讀申韓律詩書萬卷終何益平生雅志慕名儒學業
成時竟通籍長官握手訂深交同僚旁睨心不懌引經斷獄
自古難讞法安得中繩尺一朝訟事忽平反快心落井爭下
石君不見牛李黨人排贊皇崖州一貶緣吳湘

撫掌忽大快西望皖公山中丞建節開幕府歐刀下令誅兇
頑天地清晏紀綱正那容報復睚眦間黃金白銀將不去後
房美女空朱顏勢敗乃爲他人掠當年應悔恣貪殘禍福只
爭遲速耳天道從來多好還

少小任俠從軍伍晚乃挾貲爲大賈運鹽有引典有帖千里
轉行無所阻候門賓客盛裙屐侍宴妖姬競歌舞素封不異
王與侯貨財山積慳施予高明之家鬼所瞰金多莫漫矜豪
舉在陸有室水有舟祝融陽侯交相侮一朝折閱無所依吳
市吹簫聲激楚

我昔從軍入戎幕未得封侯骨相薄也曾獻賦謁金鑾蓬萊
咫尺不可攀半生落拓無所遇歸臥故山忽大悟天公貺我
清福多酒瓢詩卷皆家具老親強健諸雛嬉凝暉室裏春常
駐花晨月夕恣遊遨俯仰其閒多樂趣行路之難總不知將
相王公也應妒

望蔣墩觀山燒歌

雨意作雪雲滿天登高正對鍾山巔蒼蒼暮色來無邊火光

一點從中然忽焉散作萬點圓小如星影相接聯大如日馭
時盤旋乍遠乍近華燈懸或高或下明珠穿並跗交萼花爭
妍五光十色錦耀鮮乘風直上隼孤鶩橫空疾走龍蜿蜒有
時欲斷仍復連飛行絕迹紫霞僊有時返照端不偏觀空現
相青蓮禪是時元真正司權火車催起祝融鞭一氣凌厲猛
無前深林洗盡枝蔓牽窮冬枯朽春芊綿肅殺實在生機先
我聞韓公唐名賢陸渾曾和皇甫篇句奇語重費雕鐫欲摹
其形神難全不如離象幾堪研應占本以文明傳挑燈獨坐
夜不眠盈虛之理參韋編

壬午春感四首

莽莽中華地襟江復帶河花田千畝豔礦利五金多逐末民
皆富求功吏易苛耕桑誰解務元氣要調和

互市華夷聚波安海上流金銀輝有氣蜃蛤幻成樓星次窺
天窟風行轉地球寄言徐福輩好爲覓神洲

南北邊防重戈船十萬師射魚通日本使鹿控高麗斥鹵開
屯種軍門擁旆旗羽書今已靖掣電漫嫌遲

上相新分陝將軍舊鎮西神功扶日月民望慰雲霓桑隴陰
千里秧田雨一犁聲威行海外革面舞雕題

茶山尋靈應觀拜諸葛武侯像遂下至宛在亭望薛廬復循
烏龍潭新隄抵顏魯公祠四首

路轉西城根園圃亂無次市聲寂不聞漸有山林意行行登
坡陀松竹夾深翠靈應觀忽新塗聖存遺制祠名溯隆恩傳
自炎宋置觀在宋爲隆恩祠不知何妄人溺古強作僞神像
鑄頑鐵鐫成元狩字觀有鐵像上鐫元狩甲子造鋒棱恣俗筆安能託漢

隸笑語金石家莫漫滋橫議猛省聞鐘聲我心澹無累

老僧前相揖導我穿曲廊丞相不可見此地瞻祠堂緬昔駐
馬時東吳甫闢疆地勢森龍虎一言破天荒建業作都會繁
富如武昌文物基六代楚楚羅冠裳維公實倡之澤與江流
長報祀禮亦宜蕉荔粲丹黃棲神誰最勝澹靜尋山房悔翁
碑記佳捫讀且循牆

內有澹靜山房壁
嵌汪梅翁碑記

出門踞石坐西望別一天羣山四圍抱隔水凝蒼烟屋宇工
點綴彷彿杭州邊卻尋下山路石磴盤復旋一步一玩賞倏
到澄潭前重檐響鈴鐸湖心亭翼然塵坳不能到來者皆飛
仙咫尺望蓬島迤邐珠簾懸河東有精舍文字留因緣問奇
儻乘興吾欲捋瓜船

薛廬前繫
龍頭船一

十頃烏龍潭亂生多菱葑昨冬深溶之不使魚泊壅淤泥傾

萬斛取爲築隄用大道互長虹柳桃隨意種當春長新陰綠
合天無縫可惜無六橋名難白蘇共遂令放生池專爲魯公
重濠濮樂何如巨鱗遊亦縱神祠在其北香火傳清供老柏
故蒼然稚木誰敢從

顏祠有古柏
百年物也

清涼寺懷古

南唐消暑地宮闕想巍然試看井闌上猶題保大年築同廬
岳舍歸待皖江船羊輦低穿竹龍潭近采蓮銅壺傳漏永玉
殿受恩偏色化三千界亭仍四望巔鳴鐘宣梵唄呪鉢涌靈
泉寺古難尋碣林深欲蔽天探幽憑杖履過眼感雲烟虎踞
休誇勝名山淨覺妍

寄答子期

射策金門非我願平生至樂在槃阿萬編書籍眼中飽百歲

光陰膝下多妄念浮雲隨變滅道心終日養沖和故人若問
今何事矯首長吟招隱歌

冬日雜興七首

朔風振枯林萬木聲皆肅落葉委地平乾黃不復綠脆質易
飄零榮華倏過目青青節不移我羨南園竹

屋後有老樹美蔭能庇根烏來棲其上構巢力何勤覓食養
公姥白頭樂自真反哺旣云足餘粒諸雛分日日傍巢飛不
復慕青雲朝陽鳴盛世甘讓鸞鳳羣

美人惜朱顏晚妝臨戶牖畫眉頗入時對鏡踟躕久年華逝
不留蹉跎成老醜恥與新嫁娘塗飾耀姿首

吳中好山水峰迴皆有溪一草與一木各自饒媚姿棹舟行
其間容與信所之遊倦卽小泊不畏波濤危海客顧而笑爾

志何太卑東瀛三神山宮闕高崔巍便風倘相引飛昇亦快哉再拜謝海客我本非仙才一入溟渤中行止任天爲徐福童男女至今未得歸蓬萊雖可到收帆恐無期

蟲豸亦有性蠹魚何蝟蝟恥隨蛾赴火懶逐螳趨羶書籍羅萬卷日日相鑽研一生無他好惟結文字緣不必化脈望其品已自仙

冬夜胡太長衾寒如潑水心清無妄夢一切念不起惟靜能守寂吉祥在止止悟徹悔吝機皆由好動始

廣廈千萬間所居一椽屋良田百億頃所食一囊粟富貴恣貪求要皆身外物膏紩遺子孫酒肉豢僮僕多財適爲累往往攫奇辱何如守吾分俯仰容事畜道德五千言其要在知足

晚訪善伯不值

鴻雁向南飛故人將北驚躡屐相追尋欲以話離緒
稭子笑迎門爲報君已去攜燈悵然歸犬吠聲滿路

可園詩存卷十六

男詒綬孫祖同校字